



## Publicaziuns dalla vischnaunca, jamna 17

### Damondas da baghegiar

#### 2015-1014.000

**Datum dalla publicaziun: 24 d'avrel 2015**

**Il patrun:** Alvezza SA in Liquidation, c/o Cathomes + Cabernard AG, Poststrasse 3, 7130 Ilanz

**Il representant:** Biro d'inschignier Iso Mazzetta, Via Principala 125, 7166 Trun

**Object:** Avertura dil quartier Alvezza, parcella 3923, Acletta, 7180 Disentis/Mustér

#### 2015-1015.000

**Datum dalla publicaziun: 24 d'avrel 2015**

**Il patrun:** Roc Durschei-Jacomet, Via Curtins 4, 7186 Segnas

**Il representant:** Roc Durschei-Jacomet, Via Curtins 4, 7186 Segnas

**Object:** Tegia da mises, midada da diever, parcella 3285, mises las Cavorgias, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 22 d'avrel 2015  
*Uffeci da baghegiar Disentis/Mustér*

---

### Lubientscha da baghegiar

L'istanza da baghegiar ha concediu suandontas lubientschas da baghegiar:

#### Nr. 2015 - 1005.000

Christoph e Marianne Kohler-Desax, Laubenstrasse 8, 7000 Cuera; sanaziun interna dalla casa e construcziun da duas finiastras novas, parcella 36, Via Curtins 9, 7186 Segnas.

#### Nr. 2015 – 1009.000

STWEG Disentiserhof, Via Disentiserhof 1, 7180 Disentis/Mustér; sanaziun dallas garaschas sutterranas, parcella 1002, Via Disentiserhof 1, 7180 Disentis/Mustér.

Disentis/Mustér, ils 21 d'avrel 2015  
*Uffeci da baghegiar Disentis/Mustér*

---

### Cussegl da vischnaunca

Il cussegl da vischnaunca seraduna **venderdis, ils 24 d'avrel 2015** allas 2015 en casa communal.

Tractandas:

1. Protocol nr. 20-2013/2016
2. Rapport da gestiun e quen 2014 (messadi nr. 25-2013/2016)

*Il president dil cussegl da vischnaunca*



### Referendum facultativ spirau

Il 27 da mars 2015 ha il cussegl da vischnaunca concediu unanimamein in credit da frs. 380 000.– per la cumpart communal vid la sanaziun dalla Via Sogn Gions e la construcziun dalla canali-saziun d'aua schubra ed il remplazzament dalla canalisaziun d'aua tschuffa. Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala.

*Suprastonza communal*

---

### Plazs da lenna

Las lavurs da reparaziun dils donns d'uaul caschunai entras la neiv digl atun vargau han entschiet. Muort ils gronds quantums lenna ston ils plazs da lenna per liung dallas vias d'uaul esser libers per saver sglar la lenna e rasenar quella. Sin divers plazs e per liung dallas vias d'uaul sesanflan plunas lenna ed era material da privats. Quels depots ston vegnir rumi entochen ils 30 d'avrel 2015. Succeda quei buca sil termin fixau, vegn il sorprendider incaricaus cun la lavur ed ils cuosts vegnan adossai al pertuccau. Ei setracta dallas vias da Runfoppa, Plaun Menisch, Cunel ed Acletta –Pardi.

Bien engraziament per la capientscha  
*Uffeci forestal Disentis/Mustér*

---

### Serrada dalla via Pardomat

Igl uffeci cantunal da construcziun bassa dil Grischun realisescha la sanaziun generala dalla via da comunicaziun a Pardomat.

Durond las lavurs da construcziun sto la via vegnir serrada per scadin traffic sil tschancun, Punt Russein entochen Madernal e quei sco suonda:

**Gliendisdis, ils 27 d'avrel entochen venderdis, ils 31 da fenadur 2015, mintgamai ils luverdis, dallas 7.00 entochen allas 18.00.**

In'untgida ei pusseivla sin la via da comunicaziun Mustér–Cavardiras–Pardomat per vehichels entochen 11 t. Per damondas san ins sevolver tier il responsabel digl uffeci da construcziun bassa dil cantun, Pius Cavegn, telefonin 079 334 74 14.

Nus engraziein per Vossa capientscha.  
Disentis/Mustér, ils 7 d'avrel 2014

*Uffeci da construcziun bassa dil Grischun  
Pius Cavegn*

---

### Lotto Chor baselgia Segnas

**Sonda, ils 2 da matg 2015** allas 20.00 en sala Fontauna dil Center da sport e cultura Mustér. Vendita dallas cartas naven dallas 19.00.

Fetg bials premis spetgan sin Vus. Sin in bien seveser ebien cletg.

*Chor baselgia Segnas*  
Mira inserat!



**Rimnada da pupi**

**Venderdis, ils 24-4-2015**

Adatg! Ei vegn mo rimnau: gasettas, illustradas, catalogs, cudischs e prospects stampai

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs.

Engraziel.

Nus rimnein buca cartun. Quel sa vegnir deponius a Raveras igl entir onn ora e quei las mesjamas (16.00–17.30) e sondas (10.00–12.00).

Bien engraziament per Vies agid e sustegn!  
*Scolas Mustér, Ch. Berger*